



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

56. Cum, sicut ad &c. Abrogatio Edicti in Civitate Januen. nomine Ducis, &
Gubernatorum illius Reipublicæ promulgati super prætensa inefficacia
declarationis à Domino Cardinali Flisco Archiepiscopo ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

LVI.

ABROGATIO

Edicti in Civitate Januen. nomine Ducis, & Gubernatorum illius Reipublicæ promulgati super prætenfa inefficacia declarationis à Domino Cardinali Flisco Archiepiscopo Januen. Sanctitatis Suae jussu publicatæ, qua Frater Thomas Granellus Ordinis Minorum S. Francisci de Observantiâ nuncupatorum Professor denunciatus fuerat excommunicatus.

CLEMENS PAPA XI.

Ad futuram rei memoriam.

Procemium.

P. Granellus declaratus fuit excommunicatus ob non partitionem mandato Apostolico.

Edictum promulgatum nomine Reipublicæ Januensis.

Cum, sicut ad Apostolatus Nostri notitiam non sine gravi animi Nostri molestiâ pervenit, aliâ postquam Dilectus Filius noster Laurentius Sanctæ Romanæ Ecclesiæ Presbyter Cardinalis Fliscus nuncupatus, Metropolitanæ Ecclesiæ Januen. ex concessione, & dispensatione Apostolicâ Præsul, in executionem mandatorum nostrorum publicas schedulas in sui, ac Cleri dictæ Metropolitanæ Ecclesiæ, nec non frequentis Populi præsentia, ad valvas ejusdem Metropolitanæ Ecclesiæ solemniter affigi fecerat, per quas Thomas Granellus Ordinis Fratrum Minorum Sancti Francisci de Observantiâ nuncupatorum Professor, eo quia præcepto nostro, quo illi dudum sub pœnâ excommunicationis majoris ipso facto incurrendâ injunctum fuerat, ut à Civitate Januen. discederet, & ad Conventum Sanctissimæ Annunciationis, Civitatis Bononien. dicti Ordinis se conferret, elapso termino sibi ad id præfixo non paruerat, excommunicatus declarabatur: Laicalis Potestas cum maximo Immunitatis, libertatis, & jurisdictionis Ecclesiasticæ contemptu, Edictum quoddam promulgare ausa fuerit, per quod prætenfam inefficaciam dictarum schedularum, tanquam à Notariis publicis, seu per Cancellarias Notariorum publicorum minime subscriptarum, quæque propterea nullius roboris esse, & minime attendi debere temere asseriebantur, ad publicam notitiam deducere præsumpsit, & aliâs, prout uberius continetur in præfato Edicto in eadem Civitate Januen. nomine Dilectorum Filiorum Nobilium Virorum Ducis, & Gubernatorum Reipublicæ Januen. publicato, tenoris qui sequitur videlicet: *Duce e Governatori della Serenissima Republica di Genova. Essendo pervenuto à nostra notizia, che il Signor Cardinale Lorenzo Flisco Sabato mattina prossimo passato 29. del corrente mese d' Ottobre abbia attaccato, & ha fatto attaccare alla Porta della Chiesa Cattedrale, di questa Città una Scrittura data in Genova l'istesso giorno 29. Ottobre non sottoscritta da Notari publici, & Cancellari, di Notari publici, nella quale si dichiara scomunicato il Padre Granelli d'ell Ordine de' Minori Osservanti di S. Francesco: Ma perche crediamo col fondamento della Leggi così communi, che municipali, e dell' inveterata consuetudine del Paese, che tale informe Scrittura non porti effetto alcuno, benchè minimo, tanto rispetto al contenuto in esso, quanto rispetto all' enunciative, intenzioni, e relazioni, ne possa esserne tenuto alcun conto, perciò deduciamo à notizia pubblica l'inefficacia, come sopra di tale Scrittura in ogni sua parte; Se ne fa perciò la presente grida da publicarsi, & affiggersi ne' luoghi soliti, e consueti, acciò pervenga à notizia d'ogn' uno. Data nel nostro Real Palazzo li 31. Ottobre 1712. nella Cancellaria del Magnifico Vincenzo Ventura Cancelliere, e Segretario.*

§. 1. Hinc est, quod Nos pro commissi Nobis cœlitus Pastor. lis Officii munere Ecclesiastica Jura, quorum Assertores in Terris à Domino

constituti sumus, à temerariis, & scandalosis hujusmodi ausibus illata, factaque, & testâ tueri, & conservare, ac animarum periculis occurrere cupientes, nec non omnium, quæ ejusdem Edicti, quod non quidem approbandi, sed penitus, & omnino reprobandi animo præsentibus inferendum duximus, seu in eo contentorum occasione quovis modo acta, & gesta sunt, seriem, causas, & circumstantias, etiam aggravantes, aliave quæcumque etiam specificam, & individuum mentionem, & expressionem requirentia, iisdem præsentibus pro plenè, & sufficienter expressis, & exactè specificatis habentes, Motu proprio, & ex certa scientiâ, & maturâ deliberatione nostris, deque Apostolica potestatis plenitudine, Edictum præinsertum, & quæcumque in eo contenta, cum omnibus, & singulis inde secutis, & forsan quodcumque secuturis, penitus, & omnino nulla, inania, invalida, irrita, temerariè attentata, & à personis, quibus nulla Censuras Ecclesiasticas, sive declarationes super earum incursum à potestate Ecclesiasticâ promulgatas inefficaces decernendi facultas competit, aut competere potest, de facto præsumpta, nulliusque omnino roboris, & momenti esse, & perpetuo fore tenore præsentium declaramus. Et nihilominus ad majorem cautelam, & quatenus opus sit, illa omnia, & singula Motu, scientiâ, deliberatione, & potestatis plenitudine paribus, harum serie itidem perpetuo revocamus, cassamus, irritamus, annullamus, & abolemus, viribusque, & effectu penitus, & omnino vacuumus, & pro revocatis, cassatis, irritis, nullis, invalidis, & abolitis, viribusque, & effectu penitus, & omnino vacuis semper haberi volumus, & mandamus.

§. 2. Præterea Motu, scientiâ, & potestatis plenitudine similibus declarationem super excommunicatione à prædicto Thoma incursum, sicut præmittitur, editam, nec non schedulas desuper à memorato Laurentio Cardinale, & Præsule, & à Cancellario ad id ab eo deputato subscriptas, & publicatas ritè, rectè, & validè promulgatas fuisse, ac uti tales ab omnibus, & singulis cense, & reputari debere, nec uti validæ, & authentice habeantur, publici Notarii Laicalis subscriptione, uti erroneè, ac temerè in præinserto Edicto innuitur, indigere: Ac proinde dictum Thomam, tanquam vigore earundem schedularum, ritè, legitime, & validè denunciatum excommunicatum ab omnibus, & singulis Christianidelibus habendum esse, ac uti talem sub censurarum, & pœnarum Ecclesiasticarum à Sacris Canonibus, & Constitutionibus Apostolicis contra eos, qui cum Excommunicatis commercium, vel consortium habent, infictarum, & insuper quoad Regulares etiam perpetuæ privationis vocis activæ, & passivæ, ac munerum, & Officiorum Regularium per eos obtentorum, perpetuæque pariter inhabilitatis ad illa similia, vel dissimilia quæcumque in posterum quomodolibet obtinenda, ipso jure absque aliâ declaratione incurrendis pœnis vitari omnino debere, earundem tenore præsentium decernimus, & similiter declaramus.

§. 3. Decernentes etiam easdem præsentibus literas, & in eis contenta quæcumque etiam ex eo quod Dux, & Gubernatores, ac Thomas præfati, & alii quicumque in præmissis interesse habentes, seu habere quomodolibet prætendentes, cuiusvis status, gradus, ordinis, præminentie, & dignitatis existant, illis non consenserint, nec ad ea vocati, citati, & auditi, neque cause, propter quas eadem præsentibus emanarint, sufficienter adductæ, verificatæ, & justificatæ fuerint, aut ex aliâ qualibet quantumvis juridicâ, & privile-

Quod Pontifex nullum, ac irritum, declarat.

Ac insuper declaratione excommunicationis P. Granelli validam decernit, ipsiusque ut excommunicatus ab omnibus vitandum esse pronunciat.

Cum Decreto irritanti, clausula libellata, & aliis consuetis.

giata

giata causâ, colore, prætextu, & capite, etiam in corpore juris clauso, nullo unquam tempore de subreptionis, vel obreptionis, aut nullitatis vitio, seu intentionis nostræ, vel interesse habentium consensus, aliove quolibet, etiam quantumvis magno, & substantiali, ac incogitato, & inexcogitabili defectu, aut ex alio quovis capite à jure, vel facto, aut statuto, consuetudine, vel privilegio resultantem notari, impugnari, infringi, retractari, in controversiam vocari, aut ad terminos juris reduci, seu adversus illas apositionis oris, restitutionis in integrum, aliudve quodcumque juris, & facti, vel gratiæ remedium intentari, vel impetrari, aut impetrato, seu etiam motu, scientiâ, & potestatis plenitudine similibus concessio, vel emanato quempiam in Judicio, vel extra illud uti, seu se juvare ullo modo posse; sed ipsas præsentis literas semper firmas, validas, & efficaces, existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quodcumque spectabit, inviolabiliter, & inconcussè observari; Sicque, & non aliter in præmissis per quoscumque Judices Ordinarios, & Delegatos etiam causarum Palatii Apostolici Auditores, & dictæ S. R. E. Cardinales etiam de Latere Legatos, & Apostolicæ Sedis Nuncios, aliove quoslibet quacumque præminentiam, & potestate fungentes, & functuros, sublatâ eis, & eorum cuilibet quâvis aliter judicandi, & interpretandi facultate, & auctoritate, judicari, & definiti debere, ac irritum, & inane, si secus super his à quoquam quâvis auctoritate scienter, vel ignoranter contigerit attentari.

§. 4. Non obstantibus præmissis, ac Apostolicis, & in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, & quatenus opus sit, nostrâ, & Cancellariæ Apostolicæ Regulâ de jure quæsitâ non tollendo, legibus quoque, etiam Imperialibus, & municipalibus, nec non quibusvis etiam juramento, confirmatione Apostolicâ, vel quavis firmitate aliâ roboratis statutis, & consuetudinibus, ac præscriptionibus quantumcumque longissimis, & immemorabilibus; Privilegiis quoque, Indultis, & literis Apostolicis præfatis, & aliis quibusvis personis, etiam quacumque dignitate fulgentibus, & quomodolibet qualificatis à Sede prædictâ ex quacumque causâ, etiam per viam contractus, & remunerationis sub quibuscumque verborum tenoribus, & formis, ac quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis etiam motu, scientiâ, & potestatis plenitudine paribus, ac consistorialiter, & alias quomodolibet in contrarium præmissorum concessis, editis, factis, ac pluries iteratis, & quantiscumque vicibus approbatis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis aliâ expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata exprimerentur, & infererentur, præsentibus pro plene, & sufficienter expressis, ac insertis habentibus, illis aliâ in suo robore permanens, ad præmissorum effectum hac vice dumtaxat specialiter, & expressè derogamus, ac derogatum esse volumus, ceterisque contrariis quibuscumque.

§. 5. Cum autem eadem præsentis literæ in fu-

prædicta Civitate Januæ, aliisve locis ditionis ejusdem Reipublicæ subjectis nequeant tute publicari, ut hæcenus experienciâ compertum est, & nobis notoriè constat, prout harum serie declaramus: Volumus illas, seu earum exempla ad valvas Ecclesiæ Lateranen., & Basilicæ Principis Apostolorum, necnon Cancellariæ Apostolicæ, Curiaque generalis in Monte Citorio, & in Acie Campi Floræ de Urbe, ut moris est, affigi, & publicari; sicque publicatas, & affixas, omnes, & singulos, quos illæ concernunt, perinde arctare, & afficere, ac si unicuique eorum nominatim, & personaliter intimatæ fuissent; Utque ipsarum literarum transumptis, seu exemplis etiam impressis, manu alicujus Notarii publici subscriptis, & sigillo alicujus personæ in Ecclesiastica dignitate constitutæ munitis eadem prorsus fides tam in judicio, quam extra illud ubique adhibeatur, quæ adhiberetur eisdem præsentibus, si forent exhibitæ, vel ostensæ. Datum Romæ apud S. Petrum sub Annulo Piscatoris die tertia Decembris MDCCXII. Pontificatus Nostri Anno Duodecimo.

F. Oliverius.

Anno à Nativitate D. N. J. su Christi millesimo septingentesimo duodecimo, Indictione quinta, die vero decima Decembris Pontificatus Sanctissimi in Christo Patris, & D. N. Clementis Divina Providentia Papa XI. Anno decimo tertio supradictæ literæ Apostolicæ affixæ, & publicatæ fuerunt ad valvas Ecclesiæ Lateranen., & Basilicæ Principis Apostolorum, Cancellariæ Apostolicæ, Curie Generalis in Monte Citorio, & in acie Campi Floræ, ac aliis locis solitis, & consuetis Urbis, per me Jacobum Vasellum Apostolicum Cursorem.

Pro Mag. Curf. Sebastianus Vasellus.

INDULGENTIA PLENARIA

Perpetua pro visitantibus aliquam Ecclesiam tam Fratrum, quam Monialium Ordinis Prædicatorum die v. Maii Festo S. Pii V.

CLEMENS PAPA XI

Ad futuram rei memoriam.

Redemptoris, & Domini Nostri Jesu-Christi, qui gloriosos saluberrimorum, quæ Nobis reliquit, exemplorum sectatores altis decoravit honoribus, & Cælestis beatitudinis consortes effecit, vices, licet immeriti; gerentes in terris, Spiritualium munerum Thesauros, quorum Nobis credita est dispensatio, libenter erogamus, sicut ad excitandam, & fovendam erga eisdem Beatos Cæli Incolas Fidelium devotionem, salubriter expedire in Domino arbitramur. Cum itaque Nos nuper ad honorem Sanctissimæ, & Individuæ Trinitatis, ad exaltationem Catholicæ Fidei, & Christianæ Religionis incrementum, de Venerabilium Fratrum nostrorum S. R. E. Cardinalium, ac Patriarcharum, Archiepiscoporum, & Episcoporum in Alma Urbe nostra tunc existentium consilio, Beatum Pium PP. V. Prædecessorem nostrum, qui in minoribus constitutus, religiosam vitam in Ordine Fratrum Prædicatorum professus fuit, autoritate Nobis à Domino traditâ, Sanctum esse decreverimus, & definitum, illumque Sanctorum Catalogo solemnitu adscriperimus; Hinc est quod Nos ad augendam Fidelium Religionem, & Animarum salutem, cælestibus Ecclesiæ Theauris pia charitate intenti,

Mandat
exempla
præsentium
literarum
publicata, &
affixa in Ur-
be omnes ar-
ctare, & affi-
cere, ac si
personaliter
intimata
fuissent.